



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. IX. Vrbs ab Alarico diripitur: id D. Augustinus infidelium sceleribus tribuit; Catholicorum verò pietati quòd non planè sit deleta. hinc occasio data scribendi libros De Ciuitate Dei.

urn:nbn:de:hbz:466:1-42857

CAPVT IX.

Vrbs ab Alarico diripitur: id D. Augustinus infidelium sceleribus tribuit; Catholicorum verò pietati quòd non planè sit deleta. Hinc occasio data scribendi libros De ciuitate Dei.

Lib. 2. Re-tract. c. 43.

A N N O decimo supra quadringentesimum, ad ix. Kalendas Septembris ingruit horribilis illa belli tempestas, quâ urbem Romam obruit Alaricus Rex Gothorum, eamque militibus suis diripiendam tradidit. Qui licet hæresi Arianâ essent imbuti, nec non sectarios omnes immanitate antecellerent, tanto nihilominus honore sunt Romana templa profecuti, vt non eis solùm pepercerint edicto Imperatoris, verum etiam quotquot fuerunt in iisdem per fugam elapsi. Quin etiam quòd mirum videri potest, quantumuis essent auri atque argenti sitientes, tamen sacrâ supellectile manus abstinerunt: & quædam vasa, quæ à quibusdam clandestinè surrepta fuerant, exertis vndique contra barbarorum impetum mucronibus, non sine pompâ templis suis restituerunt. Virgines quoque (rarum exemplum victoriæ, quæ naturâ insolens est) illibatæ mansere. *Huc vsque* (ait Augustinus) *cruentus sauebat inimicus, & ibi accipiebat*

Romana tē-
pla magno
in pretio
etiam apud
immanes
Gothos.

Lib. 11. De
ciuit. Dei
cap. 1. & 7.

cupiebat

Lib. 1. De
ciuit. Dei
cap. 7.

capiebat limitem trucidatoris furor. Hanc profusam infandam cladem cum gentiles in Christianam Religionem immerito conferrent, S. Augustinus contra cum priuatim tum publice pro concione docuit, ex infidelium impietate hanc calamitatem fluxisse. Quod verò non penitus vrbs deleta sit, id Orthodoxæ fidei cultoribus tribui debere. Præbuit ea res materiem Augustino, vt multarum lucubrationum XXII. libros De ciuitate Dei conscriberet. Quod verò pietati cruentos inter gladios locus aliquis inuentus sit, *hoc, inquit, Christiano tempore, hoc Christi nomini tribuendum, qui truculentissimas mentes illas mirabiliter temperauit.*

CAPVT X.

Improbat D. Augustinus indulgentiam Honorij in hereticos.

Rom. 8.

CVM verò Attalus imperio per tyrannidem occupato, maiora in dies minaretur, essetque Africa non in mediocri discrimine, si tot edictis Donatistæ prouocati, pro tyranno viribus agerent, dissimulans aliquantulum Honorius Imperator, humanâ, (quæ Deo est inimica) prudentiâ Donatistis permisit, vt quam vellent Religionem amplecterentur. Quæ indulgentia desijt, suasu præsertim Augustini & aliorum